

# Канон святителю Иннокентию Иркутскому

*Память празднуем 26 ноября (9 декабря)*

Тропарь, глас 3-й

Светильниче Църкве пресвѣтлый, озаривый лучами доброт твоих страну сию и исцеленными многими притекающих к тебе с верою Бога прославивый, молим тя, святителю отче Иннокентие, ограждай молитвами твоими град сей от всех бед и печали.

**КАНОН, глас 8-й**

Песнь 1

*Ирмос:* Истрясшему в мори мучительство фараоне и Израиля сущемо наставльшему, поим Христу: яко прославися во веки.

*Припев:* Святителю отче наш Иннокентие, моли Бога о нас.

Иерарше непорочне, призри с Небес, и виждь, и посети осенением твоим виноград сей, егоже насади десница твоя во стране языков, да прославим благоговейно чудеса твоя, аще и не возможно есть исчислити я.

Святителю отче наш Иннокентие, моли Бога о нас.

На пути иногда вразумляше Валаама ослица, да не идет проклинати Израиля, егоже и благослови пришедый от Месопотамии; сиеце утомленными коньми вразумлен быше преогорченный путник, да воздаст святителю Иннокентию славу, еюже обещася.

Слава: Ног болезнию и разслаблением всех членов недугующему, явился еси скорый целитель, отче наш Иннокентие, не презри убо и ныне с верою притекающих к живоносным и присноцелбным мощам твоим.

И ныне: Отцу Собезначальнаго Сына плотию родила еси, Пренепорочная Дево, Егоже моли со святителем, да сотворит ны сыны Своего Царствия и наследники обетования вечнаго.

Песнь 3

*Ирмос:* Утверди наш ум и сердца, Небеса словом утвердей, во еже пети и славити Тя во спасение душ наших.

Святителю отче наш Иннокентие, моли Бога о нас.

Купину вторую показал еси, словесный пастырю, егда молитвами твоими сохранил еси среди пламене невредиму святую церковь, в нейже почиваше не у прославленное на земли, но с небеси обилием чудотворений явственно свидетельствованное, свято быти нетленное тело твоё.

Святителю отче наш Иннокентие, моли Бога о нас.

Единой вере доступен явился еси, непорочне: темже с пременением естества уставов, мраз и иней сокрыша чистоту твою от очес нечистых, дерзнувших в неверии видети тя, имже не дал еси узрети славы твоея, поучая ны чистым

сёрдцем тебѣ славити.

Слава: На по́мощь ско́ро прите́кл еси́ к ста́рцу, очі́ма тя́жко ви́дящему, и, прикосну́вся бо́лезненной гла́вѣ егѡ́, явил еси́ на нем дела́ Бо́жия; просвети́ у́бо и на́ша ду́шевная о́чи моли́твами твои́ми, священнонача́льниче.

И ны́не: Твёрдое и непрелѡ́жное упова́ние ве́мы Тя, Богоро́дице, егѡ́же де́ржимся и, упова́я, мо́лимся: сохрани́ град сей и вся гра́ды и страны́ Христиа́нския от всех бед, находя́щих челове́ком согреша́ющим, но а́бие моли́твами твои́ми прие́млющим согреше́ний оставле́ние.

Господи, помилуй (трижды).

### Седален, глас 3-й

Тако́в нам подоба́ше архиере́й, преподо́бен, незло́бив, кро́ток, отлуче́н от грѣшник, и́же пред ве́чным Архиере́ем, Иису́с Хри́стом, мо́лится вы́ну о спасе́нии ста́да своего́: мно́го бо мо́жет моли́тва пра́веднаго, поспешеству́ема во благо́е.

Слава: Прото́ржеса вода́ в пусты́ни, исто́чник исцелѣ́ний истека́ет от неистле́нных моще́й святите́ля Иннокѣ́нтія, ра́дость ве́чная над главо́ю егѡ́, ея́же да сподо́бимся и мы моли́твами егѡ́ в невече́рном дни воскресе́ния.

И ны́не: О Тебе́, Отрокови́це, возгласи́ проро́к, глаго́ля: се врата́ восто́ка, и бу́дут затворѣ́на, и никто́же про́йдет сквозѣ́ я: но Госпо́дь Бог Еди́н про́йдет, и бу́дут врата́ затворѣ́на.

### Песнь 4

*Ирмос:* Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твоѣ́ Божество́.

Святите́лю о́тче наш Иннокѣ́нтіе, моли́ Бо́га о нас.

Иисус в до́ме Петро́вом прикосну́ся руце́ те́щи егѡ́, огне́м жегѡ́мой, и а́бие оста́ви ю́ огонь; сия́ же зна́мения послѣ́доваша тебе́, ве́рующему чудотвор́цу, укроти́л бо еси́ огневи́цу еди́ным прикоснове́нием боку́ лежа́щаго на одре́ сме́рти, но призва́вшаго тя во упова́нии жи́зни.

Святите́лю о́тче наш Иннокѣ́нтіе, моли́ Бо́га о нас.

Исцелева́хуся ино́гда ве́рующи от нанесе́ния главо́тяжей и убру́сцев Па́вловых; не прѡ́сты си́лы творя́ше Бог и твои́ма рука́ма, но́вый апо́столе, персть бо от твоѣ́й свяще́нныя ра́ки и еле́й от лампа́ды отверза́ют слепотству́ющей о́чи и да́руют исцелѣ́ние.

Слава: Моли́тва ве́ры спасѣ́ лю́те боля́щаго, и́же и испове́да, я́ко вра́чеве не воскреся́т, упова́ние же на тя, благосе́рдый о́тче, николи́же посрамля́ет с ве́рою призыва́ющих тя во благовре́менную по́мощь.

И ны́не: Отрокови́ца неискусому́жная ражда́ет Прови́деннаго Ду́хом от Авваку́ма, и к Рожде́нному мо́лится о душа́х на́ших, му́дре пасо́мых па́стырем, и по исхо́де своѣ́м вы́ну с на́ми в неистле́нии свята́го телесе́ своего́ пребыва́ющим.

### Песнь 5

*Ирмос:* От но́щи невѣ́дения Боговѣ́дения день во Све́те Лица́ Твоего́, Хри́сте, да возсия́ет, ко́ у́тру хвале́ние Твоѣ́ в сердцáх на́ших.

Святите́лю о́тче наш Иннокѣ́нтіе, моли́ Бо́га о нас.

Любо́вию погрузи́вся во струя́х упова́ния на уго́дника Бо́жия, покрýтый от главы́ до ног стру́пами и в плѡ́ти своѣ́й не обрета́ющий исцелѣ́ния, и а́бие очисти́ся от

нечистоты́ болезненной, якоже Неема́н от прока́зы погруже́нием во Иорда́не, по глаго́лу Елиссееву.

Святителю́ о́тче наш Иннокенти́е, моли́ Бо́га о нас.

Ищущим тебе́ обрета́ешься гото́вый помо́шник, святителю́ Иннокенти́е, и ско́ро пода́еши недуго́в исцеле́ние, якоже иногда́ женé, болезнующей десно́ю руко́ю, яви́лся еси́ в со́нном видéнии и сотвори́л еси́ ю́ здра́ву за еди́ное призва́ние свята́го твоего́ и́мене.

Слава: Твёрдое́ благода́ти позна́ние утвержда́я в верующих, научи́л еси́ нас ве́дети тя́ яко́ наставля́ника ми́лостиваго, благоутро́бия сокрови́ще, правове́рия учи́теля, архиереев похвалу́, беспомо́щных заступника, присно моля́щагося о спасéнии чад твои́х, с ве́рою к тебе́ притека́ющих.

И ныне: Верей а́довы сломи́шася, и заклéпи вéчнии сокруши́шася Ро́ждшимся от Тебе́, Пречи́стая Ма́ти. Те́мже мо́лим Тя: изба́ви ны от вéчныя сме́рти ходата́йством Твои́м и всели́ ны во све́те Сы́на Твоего́, свет искупле́ния ми́рови возсия́вшаго.

## Песнь 6

Ирмос: Ри́зу мне пода́ждь све́тлу, одея́йся све́том, яко́ ри́зую, Многоми́лостиве Христе́ Бо́же наш.

Святителю́ о́тче наш Иннокенти́е, моли́ Бо́га о нас.

Ели́цы притека́ху к тебе́, помо́щниче те́плый, не отхожда́ху посра́млении: немощни́и исцелева́хуся, в болéзни деторожде́ния су́щия от многоцеле́бной благосто́йни твое́й приима́ху ско́рое недуга́ разрешéние, слепии́ прозира́ху; посети́ ўбо́ и нас, ще́дрый о́тче, твое́ю по́мощию.

Святителю́ о́тче наш Иннокенти́е, моли́ Бо́га о нас.

Не бу́ди неве́рен, но ве́рен, рекл еси́, о́тче, втори́цею яви́вшийся от преломле́ния но́ги люте́ страждущему, и, уда́рив жезло́м в ме́сто, иде́же стоя́сте но́зе твои́, язвою́ на дре́ве уврачевал еси́ душе́вную язву́ омраче́ннаго неве́рием, а́бие бо испове́да бы́ти тебе́ благода́тнаго врача́, воздвигша́го его́ от одра́ болезненнаго.

Слава: Непоро́чными твоима́ рука́ма препода́л еси́, архиере́ю Бо́жий, безсме́ртную пи́щу страждущей, о́ чудо! на Небеси́ приобщи́лся и́стее Невече́рняго Све́та, вя́ще седми́десяти лет по твоём успéнии, и на земли́ явля́ешися священноде́йствитель Божéственных Та́ин, уверя́я па́ству твою́ в неразлу́чном пребыва́нии вы́ну с притека́ющими к твое́й по́мощи.

И ныне: Истины учи́телю, наста́ви ны во и́стинней ве́ре, моля́ о спасéнии на́шем с Пречи́стою Де́вою Богородице́ю ро́жденнаго от Нея́ на спасéние всего́ ми́ра.

Господи, помилуй (трижды). Слава, и ныне:

## Кондак, глас 4-й

Непорóчности соимéннаго па́стыря, проповедника́ ве́ры в язы́цех Монго́льских, сла́ву и украше́ние Ирку́тския па́сты, любо́вию восхва́лим, вси ве́рнии: той бо есть храните́ль страны́ Сиби́рския и моли́твенник о душа́х на́ших.

## Икос

Ангельским жити́ем возвы́сился еси́, о́тче, до лицезре́ния красото́й не создáнной, ё́уже наслажда́ясь ны́не на Небеси́, мо́лишися о спасéнии на́шем, нас же на земли́ науча́еши взыва́ти тебе́ тако́вая: ра́дуйся, крине́, в благорастворе́нном ю́ге процвётший; ра́дуйся, пёрвенче́ духо́внаго сыноположе́ния, от Ма́ल्या Росси́и Бо́гу

посвященный; радуйся, славо и величание града Кіева; радуйся, в земном училищи Небесныя мудрости наставниче; радуйся, мудрый исполнителю велений земных; радуйся, мужественный подвижниче Царя Небеснаго; радуйся, проповедниче веры в языцех Монгольских; радуйся, началоположителю добраго священноначалия во странах Сибирских; радуйся, украшение Иркутския паствы; радуйся, благоухание пустыни; радуйся, общаго воскресения в нетлении твоём уверителю; радуйся, неизчерпаемых чудес источник; радуйся, хранителю страны, тобою избранныя; радуйся, Иннокентие, молитвенниче о душах наших.

## Песнь 7

*Ирмос:* В начале землю основавый и Небеса словом утвердивый, благословен еси во веки, Господи, Боже отец наших.

Святителю отче наш Иннокентие, моли Бога о нас.

Крепость и исцеление принимаю от тебе, отче, немощствующи плотию; скорбни же духом и удручении печальми житейскими обретаю душевное утешение в умиленном призывании святого и прославленного имени твоего, прославляющего дивнаго во святых Своих Бога Израилева.

Святителю отче наш Иннокентие, моли Бога о нас.

Отче, непорочности соименне, тако прославися свет твой пред человеки, яко видяще добрая дела твоя и чудотворения многая, прославляют чудодействующаго тобою, дивнаго во святых Своих Бога Израилева.

Слава: Душевные наша болезни исцели, Боже, молитвами прославленного от Тебе угодника, ускоряющего на помощь умиленною душею, требующим действенного его пред Тобою, Троице Святая, заступления.

И ныне: Ум наш пленен в послушание веры, дух и душу всесовершенны соблюди и тело в Пришествие Господа нашего Иисуса Христа непорочно сохрани молитвами Твоими, Богородительнице.

## Песнь 8

*Ирмос:* Безначальнаго Царя Славы, Егоже трепещут Небесныя Силы, пойте, священницы, людие, превозносите во вся веки.

Святителю отче наш Иннокентие, моли Бога о нас.

Широкий путь, вводя в пагубу, презрел еси, преподобне, и тесными вратами вшел еси в Небесное Царствие. Отонудуже призирая вину на призывающих тя с верою, укрепил убо и нас понести благое и легкое иго Креста, да внидем в покой Бога Благословеннаго.

Святителю отче наш Иннокентие, моли Бога о нас.

Ангелоподобным житием на земли обрел еси благодать исцелений и явился еси воистинну Ангел Хранитель паствы твоея, бодрственно утверждая ю в вере многоразличными твоими чудотворениями и соблюдая в чистом исповедании отцев Бога Благословеннаго.

Слава: Христово благоухание явился еси, отче, в спасаемых тобою от недугов душевных же и телесных; темже обитатели града, тобою избраннаго, прославляя святую память твою, благословляют прославившаго тя, отцев Бога Благословеннаго.

И ныне: Несть наша брань к плоти и крови, но к началом, и ко властем, и к миродержителем тьмы века сего, к духовом злобы поднебесным; над ними же покажи ны, Владычице, победители, яко да по образу непорочнаго Пастыря

возмо́жем вся стрéлы лука́ваго разжжéнныхя угаси́ти.

## Песнь 9

*Ирмос:* Проявлéнное на горé законополо́жнику во огни́ и купинé Рождество́ Приснодéвы в на́ше, вёрных, спасéние, пéснями немóльными велича́ем.

Святителю́ о́тче наш Иннокéнтие, моли́ Бо́га о нас.

Апóстол язы́ков был еси́, о́тче, я́коже и Па́вел, тёмже ны́не восхищён еси́ на высоту́ Божéственного лицезрéния, иде́же мо́лишися, да Бог возра́стит, е́же ты, му́дрый дéлателью, насади́л и напои́л еси́.

Святителю́ о́тче наш Иннокéнтие, моли́ Бо́га о нас.

Шлем спасéния воспри́им и мечём духо́вным препоя́сався, изше́л еси́ на дéло твоё, па́стырю дивный, и соградил еси́ оплóт благочéстия во мра́це язы́чества. Моли́ у́бо Преблага́го Бо́га, да укрепит, е́же содéла в нас руко́ю твоёю.

Слава: Именем и жити́ем непорóчне, приими́ хвалéбныя пéсни, любóвию к тебé возно́симья, осеня́я моли́твами твои́ми па́ству, осия́нную луча́ми добрóт твои́х, и ускоря́я на по́мощь благодáтным заступлéнием твои́м во врéмя благопотре́бно.

И ны́не: Херув́имов Честн́ейшая и Сла́внейшая без сравн́ения Сераф́имов, не прéзри молéния раб Твои́х, но покрый́ нас честным Твои́м покрóвом: спаси́ лю́ди, благоговéйно чту́щия па́мь непорóчнаго па́стыря и моли́твенника о гра́де сем, дивна́го Иннокéнтия.